

地 310.27
38
部 5

長樂縣志

卷之七 兵防

營制 教場 營房 寨防
塘汛 棚墩 舖 炮位
民壯 防海

卷之十 職官

文職 武職
卷十一 上選舉
進士 鄉科



長樂縣志卷之九

兵防

營制 教場 營房 寨防 塘汛 烟墩



三代兵寓於農秦漢後率籍民為兵唐立府衛始分為二明初常立民兵萬戶府輔以衛所法甚具久而廢弛乃令地方官募民壯操練遇警調用景泰間定議凡臨敵失一軍以上與失機罪同於是有機兵焉宏治後又設快手十年一代尋仍更曰民壯此外又有弓兵蓋即宋巡簡寨弓手遺意故用以為巡尉職邏警

國朝軍制益備盡去民兵將軍督撫提鎮各有標營營有中左右前後兵有馬步戰守及水師各額設若干中又分派各屬鎮守

長樂縣志

卷之九

兵防

一

營制

巡哨長樂原有一營康熙中改歸長福駐福清而此分守備雍正閒改為都司同治七年仍改守備駐縣城此軍制大略也若夫縣三面際海海多口汊必設防防不一處必扼要地夷船商鯨漁舠蟹艇出沒往來梭織麇聚而游匪每託跡潛伺有防則一方以安否則多事所係非細先事之備不可不講也今各條綜要者著於篇作兵防志

營制

長福右營駐縣城康熙中領以守備雍正閒改都司屬以千總一把總二外委千總一外委把總三同治五年裁都司併把總一外委把總二額外一邑紳以濱海要地請將福清守備移駐以資控制七年總督吳公棠允請將本軍千總一員移調福清而此仍設守

備屬以把總一外委千總把總及額外各一馬步戰守兵原六百名

節次裁減至同治四年計馬戰兵二名步戰兵一百名守兵一百二

十二名馬五匹馬步戰守兵原六百名康熙三十一年撥二十名歸福建將軍標三十五年裁步戰兵二十九名雍正十

一年抽戰兵六名守兵九名添防本營左軍乾隆三年抽弁兵二名

添防福協屏南八年抽戰兵一名守兵一名添防詔安營紅嶺四十

六年撥馬戰兵十一名步戰兵二十六名馬十一匹歸督撫標四十

七年裁守兵十五名嘉慶十三年撥步戰兵三名守兵五名成臺灣

新設艦艍營道光十二年裁馬戰兵一名步戰兵三名守兵五名馬

一匹二十四年裁馬戰兵十六名改為步戰兵馬十六匹咸豐二年

裁馬戰兵十四名改為步戰兵馬十四匹尋又裁馬戰兵二名改為

步戰兵馬二匹七年裁步戰兵三名守兵五名歸入順昌設營同治

四年裁馬戰兵七名步戰兵九名新添字識八名號令手三名

四名守兵一百二十七名馬七匹教場 在縣南城外一里許明宏治十年知縣王渙建東西十二丈南北五十六丈

丈堂一座三間隆慶六年知縣蔣以忠重修移坊於場前大路扁曰閱武今倒塌

道旁建講武坊

長樂縣志 卷之九 兵防 二 教場營房

僅存基址

營房 在二十都松下明崇禎六年知縣鄭尚友捐俸建後三間兩旁各五間

寨防 明洪武十一年於沿海要地設把截寨四一在二十四都黃岐一在大宏里

文石 一在十八都東 國朝留明仙岐一寨餘三寨廢 改設梅花松下

山 一在十五都仙岐

壠下三寨 仙岐寨在十五都千把總協防署一 梅花寨在二十

四都 明設守禦千戶所軍一千名崇禎 先屬閩安鎮康熙五十六年

撥歸本營千把總協防署三 松下寨在二十都先屬海壇汛地康

熙五十六年撥歸本營外委協防署三 縣褚登捐俸重修

二十都外委協防署三 壠下寨在

松丁小社蕉山三處明各設巡司各弓兵七十名初以附近編氓承充弓兵司一百名免本名丁役之差專聽防備久而弊生冒虛

名無實役宏治閒知縣王煥稟請革舊額弓兵名役每歲悉於該
年內徭內編當司各七十名嘉靖閒閩用兵軍門議行每巡簡司
止量撥十二名守寨餘悉追價充餉隆慶閒知縣蔣以忠議增八
名共二十名 國朝松下有寨小社蕉山俱設塘汎巡簡弓兵盡
裁

塘汎 舊制額設塘二十六處後增潭頭塘共二十七處汎二一在

石壠一在洋與乾隆二十四年將二汎移於港口屬閩併為一撥外

委一員四槳哨船一隻現存塘汎共二十八 五竹浦塘在縣西隅岱

邊塘在三都坑田塘在四都蕉嶺塘在四都橫店口塘在五都石湖

嶺塘在五都嶺利口塘在八都三溪塘在八都北山塘在九都港尾

塘在十都鶴嶺塘在十都菴前塘在十都山邊塘在十都壺井塘在十都

八都 洽與塘在十都東山塘在十都江田塘在十都猴洞口塘在十都

長樂縣志 卷之九 兵防 三 寨防塘汎

大祉塘在二都小祉塘在二都籌港塘在方安里潭頭塘在方安里澤

里塘在方安里厚福塘在大宏里文石塘在大宏里金墩塘在甘三都石井塘

在廿四都

烟墩 明洪武二十一年額設二十二處 一在十都山亭山 一在

都甲峰 一在十五都蕉山 一在十四都旒山 一在十四都大

一在十九都流水 一在十八都壺井山 一在十九都江田

二在八都石門 一在十九都石濃 一在二十都大祉 一在

二都浪頭山 一在方安里澤里 一在大宏里文石 一在二十

二十四都 周圍十丈高一丈五尺 國朝於舊設外加設寨四塘二十

七汎一每寨及塘汎各設烟墩三座共九十六座嘉慶十四年夏颶
風大雨水率被冲坍刮壞

鋪 元時一鋪在縣前明宏治十六年知縣王渙增五鋪凡鋪六

縣前鋪 在縣西隅 週橋鋪 在五都 沙徑鋪 在十都 巴頭鋪 在十都 沙嶺

鋪 在十都 梅江鋪 在廿四都

炮位 原設三十四位中閒廢失三位道光二十一年新添七位實

共三十八位 縣城十四位 東門三 西門二 南門三 北各寨

汛二十四位 松下寨原八位中閒沈失二位新添四位實共十位 梅花寨原八位 鎔壞一位新添四位實共十一位 仙

岐寨原四位 文石 汛原無新添三位

民壯 民壯者明初設以守城計二百六十名選驍勇四名為總甲

以率之崇禎閒僅存二百名分為機兵快手領以四機總二哨官

國初設長福營右軍汰民壯雍正二年復五十名七年裁二十二名

長樂縣志 卷之九 兵防 四 烟墩鋪炮位

十年又裁八名今存二十名屬縣官以衛倉庫

防海 縣東南北皆有海海之口以與鄰邑相交錯分設防哨以專

責成府志以澤里 今有往省稅渡 籌港 貨船雲集 文石 亦有稅渡 厚福 有陳塘港 四地為臨

海要衝 文石對江琅琦山洋中白頭與雞籠 水汛屬閩安鎮陸汛屬

長福營就現勢論北口沙線環繞儼若海中城郭非水路熟悉者船

隻不敢徑入惟與文石聯絡之梅花所有鐵板沙尤為隘口蓋其水

深諸船可至其流急據險能防固邑東之一巨澳也外即南菱有三

碓官塘長岐橋子指顧相屬南菱港內沙淺 大潮二丈六尺小潮丈有九尺 最稱險

扼舟人多泊磁澳候晨潮以濟焉 梅花南界海壇磁澳汛貓與北界

南七十里至鎮東北一百二十里至五虎門洋中有 磁澳者十五都 日嶼月嶼白沙等島明董應舉浮海紀實見藝文

之要澳今則沙壅水淺矣

舊志云東西南北四澳可避風孤島周七里係深水可寄棹非灣泊處東屬外洋西

與仙岐對峙屬長福營水程南一百六十里至鼓與二百二十里至平潭北至猫嶼小石可泊船隻屬長福營與南屬閩安營與北屬海壇營按近日此澳沙壅水淺每潮落時可步而至在二十都者壠下寨外則有松下寨水深

而寬商船雲集海山諸島皆在眼中與梅花相犄角為長福門戶又

邑南之一巨澳也舊屬海壇鎮 國朝撥歸本營水程至磁澳一百

餘里 中有糖與橫與小暗澳人背釣魚翁仙桃東西洛南北王母礁菱跡石闌干礁大厝小厝算盤仔礁磁澳凡十六島屬海壇營

至梅花中歷十一澳 後山門口黃崎仙岐漳港壺井治與漳坂小社大社皆東沿大海波濤衝

激岸傍水淺大船難近沿邊老岸均屬長福營各撥千把總外委以

協防焉防海形勢具在於斯其已載夏志及程應辰地圖說者詳列

於後不贅內洋東南以松下塔為界前與福清老鼠磔相接塔南屬

長樂縣志

卷之九

兵防

五

民壯防海

福清塔北屬長樂東北以白頭與為界與南屬長樂與北屬閩縣與

內為內洋與外即外洋外洋以磁澳邊之猫與為界南屬海壇鎮標

北至東沙白犬諸磔俱屬閩安協各派哨船巡查 夏志云長樂西北界於閩縣之閩安

鎮館頭琅琦五虎門等處各有兵船以護省城門戶其臨海與琅琦對者為文石少司空董應舉前議築城而省會長樂俱增一鐵障但

工費浩大姑俟後圖外為梅花所突入海中與連江縣鎮海所相對此省城右臂也其城甚固但東南隅歲為飛沙所壓漸與城平恐不

可守若歲令所軍勤挑亦無患焉自梅花至松下澳中歷後山門口黃岐仙岐漳港壺井治與漳坂小社大社共十一澳皆東沿大海波

濤衝激傍岸水淺寇船難近又有烟墩星羅碁布防守頗密獨松下漸南與福清接壤古稱長樂咽喉為南廣北浙客船停泊之區海壇

包其東南亦有觀音澳蘇澳可暫憩嘉靖戊午倭陷福清縣城故設遊總於此後以港門星散兵多失機遂移居鎮東而遊為虛設矣崇

禎丁丑董司空請城松下欲移海壇遊之居鎮東者出鎮於此以鎮東堂室也松下門戶也海壇藩籬也鎮東既有軍衛兵營又加海壇

遊總積之無用而松下不守孰若移鎮東以守松下而長福俱固乎日松下勇悍善水戰素為南賊所憚移後漸汰冗兵補以土著收其

豪傑為用編戶為兵有糧以養其妻子有賞格以酬其雄心使家自為守人自為援不惟可以消內地之賊且得其力以當外賊之衝西莫善於此此說鄭際明聞之董司空者也錄之使吏邑者攷焉邑人程應辰地圖說環長樂幅員表六十里廣一百二十里為都二十有門戶而長樂縣尤閩安鎮防海之藩垣也藩垣立則門戶自固雖有窺伺之奸無從而入請詳言之長樂邑枕山襟江出城西關不數武渡江即屬閩縣界稍逶迤出南關平原廣阜絡繹六十里直抵福清縣界此皆內地無容議也北郭則崇崗複嶺鳥道罕通所難者惟是出自東門距三四十里三面皆濱大海一正東一由東而南一由東而北都民稠處其閒磽瘠斥鹵半倚田而耕半倚海而漁其耕者有禾稻菽麥之需漁者有魚蝦蚌蛤之利而時患海寇出沒靡常使人不安其生為足慮耳昔之當事者為牖戶預防計則於海濱四大澳設重兵以鎮之建城堡置水師立司官編哨船春秋代汎晝夜巡邏海上走險之徒不敢揚帆突至矣四大澳者何松下小社磁澳梅花文石是也松下者長樂之南蔽也海賊自南來者必由松下而進松下有城有寨有兵船水師則賊必不能飛渡且松下之人慣習波濤之險強悍勇鬪賊素畏憚加以水師戰艦佐之必無患矣由松下沿海四十里而東則為磁澳磁澳者海之中權也左顧而南則援

長樂縣志

卷之九

兵防

六

防海

松下小社右顧而北則援梅花文石以成犄角之勢舊制水師船隻及仙岐澳有城有巡司官表裏策應洋洋大海日出扶桑亦一巨鎮也由磁澳東折而入於北則為梅花澳之海澳舊有城有軍有千戶百戶指揮守之此為海船南茭北茭交接必由之處迄今城為沙壓矣官廢矣軍散矣海遂為賊往來無忌之窟矣再折一十里而徑北則文石澳也文石灣者長樂之北蔽也上通連江五虎荻門下通省城之閩安鎮最為要害如海賊自北而至者文石可以扼其吭而掣其肘舊未有城未有水師明董崇相先生力主其議欲因而城之以為重關設險之策不特於長樂利於閩安鎮尤利當事然之惜議不果行此今日所以有海孽之憂而遷移之說因之而起流離播蕩鳥竄獸徙職此故也由是觀之四大澳者長樂之藩垣實即省城閩安鎮之門戶也誠使四大澳陸有城有寨水有船有師以船為有脚之城以城為坐守之船相資為用一體相運則海為我有而內地可以高枕而卧矣又何庸海禁之皇皇與畫界展界之紛紛哉舍此不講而區區截趾適履遺子顧母皆非根本萬全之道也夫謀事者當揆其勢繪形者必察其情苟大勢克定百年可以無憂羣情允協眾志可以成城臂指運唇齒固凡沿邊諸澳如洽與壺井漳港門口漳坂後山之屬無不安矣何況桑麻內壤附城邑而託處者哉